

semiduplice autem sequente fiet ante semiduplex in dominica impeditum. Si dies octava et duplex impedita occurrant in sabbato vel feria secunda, eorum commemoratio præcedit commemorationem dominicæ (1); aliud autem est de semiduplici in casu. Si festum duplex aut semiduplex impeditum occurrat feria quarta cinerum, in secundis vesperis, quæ dicuntur de festo duplici aut semiduplice sequente, fit commemoratio duplicis aut semiduplicis in feria quarta impediti ante commemorationem feriæ, quia cum juxta Rubricas generales tit. XI, n. 9 feria concursus non habeat, ordo commemorationis non attenditur. Juxta decretum S. R. C. Nitrien. 15 Novembris 1890, concurrente commemoratione festi ritus Duplicis simplici cum commemoratione Dominicæ privilegiatæ, hujus Dominicæ commemoratio præcedere debet alteram de festo duplici simplici. (Cfr. Ephem. Lit. V, p. 90 et seq.)

Titulus X.

DE TRANSLATIONE FESTORUM.

Rub. *Si aliquod Festum duplex occurrat in Dominicis Adventus, et in Dominicis a Septuagesima usque ad Dominicam in Albis inclusive, in Vigilia Nativitatis Domini, in die Circumcisionis, in tota Octava Epiphaniæ, in Feria quarta Cinerum, in tota majori Hebdomada, et infra Octavam Paschæ, in Ascensione Domini, in diebus a Vigilia Pentecostes usque ad Festum Sanctissimæ Trinitatis inclusive, in Festo Corporis Christi et ejus die Octava, in Festo Immaculatæ Conceptionis et Assumptionis beatæ Virginis, in Festo sancti Joseph Sponsi ejusdem, et omnium Sanctorum, transfertur in*

(1) S. R. C. 10 Jan. 1693, n. 3152-3301, 7.

primam diem Festo duplici vel semiduplici non impeditam, exceptis tamen Festis Nativitatis sancti Joannis Baptistæ, et sanctorum Apostolorum Petri et Pauli, quæ in die Octava Corporis Christi celebrantur: excepto quoque Festo quocumque solemniori alicujus loci, quod in propria tantum Ecclesia, etiam in aliquibus ex supra-dictis diebus occurrens, scilicet in Dominicis II, III et IV Adventus et Quadragesimæ, Dominica Septuagesimæ, Sexagesimæ et Quinquagesimæ, et diebus infra Octavam Epiphaniæ (ut in Rubrica de Commemorationibus dictum est) celebratur. Si autem Festum Purificationis beatæ Mariæ venerit in aliqua Dominica secundæ classis, transfertur in Feriam secundam sequentem, quamvis impeditam. Idemque est de Annuntiatione beatæ Mariæ. Item si Festum Nativitatis sancti Joannis Baptistæ venerit in die Corporis Christi, transfertur in sequentem diem, cum commemoratione Octavæ, et in secundis Vesperis Corporis Christi, fit tantum commemoratio sancti Joannis: sequentibus autem diebus fit Officium de eadem Octava Corporis Christi, cum commemoratione Octavæ sancti Joannis. Dies autem Octava sancti Joannis tunc veniens in die Octava Corporis Christi, non transfertur, sed de illa eo anno fit tantum commemoratio in utrisque Vesperis et Laudibus diei Octavæ Corporis Christi; et id semper servetur, quando festum habens Octavam transfertur; ut non ideo dies Octava transferatur, sed ipsa die de ea fiat commemoratio, quæ alias erat Octava, si festum non fuisset translatum. Quod si festum post totam suam Octavam transferri contigerit, illo anno celebretur sine Octava: nisi Titularis Ecclesiæ privilegio aliter fieri oporteat Festa tamen Duplicia minora, exceptis illis Sanctorum Ecclesiæ Doctorum, si occurrant Dominicæ, vel majoris Festi seu Officii quomodocumque impediuntur, non transferuntur, sed ipso die quo cadunt, de eis fit in utrisque Vesperis et Laudibus commemoratio, et legitur nona lectio historica ad Matutinum, si tamen hæc eo die fieri

possint; secus hujusmodi Festa Duplicia minora eo anno penitus omittuntur, ut in præcedenti Rubrica dictum est num. 7 et 10, et infra de simplici dicitur num. 8. Tisdem comprehenduntur regulis alia Festa Duplicia, quorum translationi in toto anni decursu locus non superest.

2. Si in die Octava alicujus festi habentis Octavam occurrat aliquod Festum duplex ex majoribus supra in Rubrica de Commemorationibus enumeratis, fiat de Festo cum commemoratione diei Octavæ: excepta die Octava Nativitatis Domini et Epiphaniæ, in quibus non fit de aliquo Festo, sed transfertur in primam diem similiter non impeditam. Si autem non fuerit ex prædictis Festis, fiat de Octava, et Festum transferatur, aut de eo fiat Commemoratio, ut supra.

3. Si aliquod Festum duplex infra Octavam occurrens, alio majori Festo duplici impediatur, transferatur in primam diem similiter non impeditam, et in eo fiat commemoratio de Octava. Quod si transferri nequeat, de eodem quoque fiat commemoratio, ut supra.

4. Si in aliis Dominicis per annum a supradictis occurrat Festum duplex, non transfertur, nec de eo fit commemoratio, sed officium, ut dictum est in Rubrica de Commemorationibus.

5. Festum semiduplex occurrens diebus supradictis, et infra Octavam Corporis Christi et aliis Dominicis per annum, non transfertur, sed ipso die quo cadit, de eo fit commemoratio in utrisque Vesperis et Laudibus, et legitur nona Lectio historica, aut illud penitus omittitur, ut supra de Duplici minori dictum est.

¶ 6. Si duo vel plura Festa novem Lectionum simul eodem die veniant, fiat Officium de majori, id est, de duplici, et de semiduplici fiat commemoratio ut supra. At si omnia fuerint Duplicia vel omnia semiduplicia, fiat de digniori, seu solemniori, et quæ Duplicia minoris solemnitatis sunt, si transferri valeant, transferantur, aliter de eis, quemadmodum de semiduplicibus, fiat commemoratio juxta superius explicata.

7. Si plura Festa Duplicia ex iis quæ transferri possunt, transferenda sint, quod est magis solemne semper prius transferatur, et prius celebretur: alioquin si sint æqualia, unum ante aliud transferatur eo ordine, quo erant celebranda in propriis diebus.

8. Festum simplex pariter numquam transfertur; sed si de eo fieri non potest Officium, fiat commemoratio, ut dictum est in Rubrica de Commemorationibus; si autem venerit in illis diebus, in quibus de simplici nulla fit commemoratio, eo anno non fit de eo amplius.

9. Si aliquod Festum Duplex e supra recensitis, quæ transferuntur, in quo notatum est fieri commemorationem alicujus Sancti, transferatur propter advenientem Dominicam, vel aliud Festum majus, non tamen transfertur cum illo commemoratio illius Sancti in eo assignata; sed dicta commemoratio fit die suo in dominica, vel alio Festo, in quo fieri possit, cum nona Lectione ejusdem, si propriam de vita Sancti habuerit: Festum vero Duplex transfertur sine ulla amplius commemoratione Festi simplicis prædicti. Quod etiam servatur in commemorationibus occurrentibus in Vigiliis, cum de Vigilia veniente in Dominica fit in Sabbato præcedenti: tunc enim commemoratio Festi simplicis non fit in Officio Vigiliæ, sed in Dominica.

264. Occurrentia, ut dictum est num. 251, duplex est, inclusiva de qua ibidem, et exclusiva, de qua hic agitur.

“ Festa celebranda sunt eo die, quo cadunt: verum si
 ” incidant in diem impeditam, transferenda sunt in aliam
 ” diem non impeditam, juxta rubricas breviarii Romani:
 ” neque immutari possunt de licentia ordinarii, ut pluries
 ” decrevit S. R. C. ” (1).

Translatio duplex est: una, quæ proprie translatio dicitur, est amotio festi a die sua propria ob impedimentum pro hac

(1) 7 Dec. 1630, n. 738-885; 2 Sept. 1690, n. 3083-3232, 3.

aut simili vice occurrens; altera, quæ mutatio dicitur, est perpetua festi amotio a die propria in aliam diem fixam, ob impedimentum in die propria quotannis occurrens.

Not. cum transfertur officium sive accidentaliter sive perpetuo nihil in eo immutandum esse inconsulta S. R. Congregatione, et in orationibus tam officii quam missæ varianda non esse *hunc diem, hodiernum diem, præsentem diem* etc. (1).

DE FESTIS DUPLICIBUS MINORIBUS ET SEMIDUPLICIBUS,
QUÆ NON TRANSFERUNTUR.

265. SS. D. N. Leo XIII Brevi *Nullo unquam tempore* decrevit: " Quo vero calendario tum universali tum Cleri
" Romani habeantur sedes liberæ ad nova officia introdu-
" cenda, Auctoritate Nostra volumus ac præcipimus, ut rubrica
" generalis Breviarii Romani tit. X de translatione festorum
" hac ratione mutetur, videlicet: " Festa duplicia minora
" (exceptis illis Sanctorum Ecclesiæ Doctorum) et festa semi-
" duplicia, si occursu dominicæ vel majoris festi seu officii
" quomodocumque impediuntur, non transferuntur, sed ipso
" die quo cadunt, de eis fit in utrisque vesperis et laudibus
" commemoratio, cum nona lectione historica, sive una ex
" duabus aut tribus, si tamen hæc eo die fieri possint; secus
" hujusmodi festa duplicia et semiduplicia eo anno penitus
" omittuntur, ut de simplici cautum est in rubric. tit. IX
" n. X, tit. X, n. VIII " : postremo ut præsentis litteræ
" Apostolicæ in novis editionibus Breviarii ad calcem rubricæ
" interim apponantur, donec accurata rubricæ ipsius cor-
" rectio per Sacrorum Rituum Congregationem perficiatur.
" Hæc præcipimus et mandamus, non obstantibus... contra-
" riis quibuscumque. Die 28 Julii 1882. "

Juxta Monitum tamen S. R. C. 13 Septembris 1882 (2), nova officia in calendario universalis Ecclesiæ inserenda ex Apos-

(1) S. R. C. 7 Sept. 1816, n. 4376 4526, 21.

(2) Acta S. Sedis, vol. XV, fol. 142.

tolico Brevi diei 28 Julii 1882, assignari possunt diebus proxime insequentibus vacuis, in iis calendariis particularibus perpetuis, in quibus alia officia jam affixa illis diebus reperiuntur, prout pro calendario Urbis provisum fuit.

Festa autem duplicia minora, exceptis festis doctorum, et omnia festa semiduplicia, quæ accidentaliter sive pro hac aut altera sive impediuntur, non amplius transferuntur.

Quando hæc festa duplicia et semiduplicia impediuntur, videri potest in tabella occurrentiæ, videlicet duplicia minora in dominicis primæ et secundæ classis, non autem in dominicis per annum, in quibus adhuc fit officium de duplici cum commemoratione dominicæ; et semiduplicia in omnibus dominicis; item tum duplicia, tum semiduplicia occursu majoris festi seu officii sive quoad ritum, sive quoad dignitatem seu solemnitatem, ut in sequentibus explicabitur.

De his festis impeditis fit commemoratio in utrisque vesperis et laudibus, et proinde etiam in missis, quia juxta rubricas generales missalis tit. VII, *Commemorationes in missis fiunt sicut in officio*.

In quibus festis et diebus hæc commemoratio facienda sit, dicitur n. 282; quomodo facienda, dictum est n. 263; et quando nona lectio de eis legenda, dicitur n. 282.

DE OFFICIIS, QUÆ, ET DE DIEBUS SEU FESTIS, IN QUIBUS
TRANSFERUNTUR.

266. Quæ officia transferri possunt, et quæ non?

R. Transferri nequeunt dies octava, dies infra octavam, dominica, feria, vigilia, festum duplex minus nisi sit festum Sanctorum Ecclesiæ Doctorum, festum semiduplex, festum simplex, aut quodcumque officium de tempore; licet vigilia occurrens in dominica, et officium dominicæ, quæ ante septuagesimam aut dominicam 24 post pentecosten locum non habet, anticipentur, et aliqua pars officii dominicalis aut ferialis, ut lectiones 1 nocturni, quandoque resumatur.

Alia festa duplicia 1 et 2 classis, omnia duplicia majora, et festa duplicia minora Sanctorum Ecclesiae Doctorum transferuntur.

Not. festum simplex numquam transferri posse, etiamsi ob occurrens festum duplex 1 cl. perpetuo impediatur, et de eo numquam aliquid fieri possit (1). Quando tamen impedimentum est perpetuum, S. R. Congregatio quandoque aliam diem assignavit (2).

267. In quibus diebus aut festis transferuntur hæc festa duplicia 1 et 2 classis, duplicia majora, et duplicia minora SS. Doctorum?

R. 1. Quodcumque festum transfertur, si occurrat in sequentibus diebus aut festis, quæ quodcumque aliud festum etiam duplex 1 cl. excludunt; quæ sunt dominica prima adventus, vigilia et festum nativitatis Domini, circumcisio Domini, dies epiphaniæ et ejus dies octava, feria 4^a cinerum, dominica prima quadragesimæ, dominica passionis, omnes dies a dominica palmarum usque ad dominicam in albis utrimque inclusive, ascensio Domini, omnes dies a vigilia pentecostes usque ad festum ss. Trinitatis utrimque inclusive, festum Corporis Christi, immaculata Conceptio et assumptio B. M. V., festum sancti Joseph sponsi ejusdem, festum omnium sanctorum (3), item primarium festum ss. apostolorum Petri et Pauli, atque nativitatis s. Joannis Baptistæ (quod ultimum tantum cedit festo Corporis Christi) (4). Ratio est, quod hæc festa et dies tali tantaque religione et solemnitate ex Ecclesiae instituto ubique celebrari debeant, ut alia quæcumque eodem die occurrentia excludant.

Sic festa dedicationis, patroni et tituli cedunt festo omnium sanctorum, et primariis festis ss. apostolorum Petri et Pauli (5)

(1) S. R. C. 7 Maji 1746, n. 4032-1481, 5; 18 Jul. 1750, n. 4060-4209; et 3 Mart. 1761, n. 4150-4299, 11.

(2) Merati sect. III, c. IV, in fine.

(3) Rub. hoc tit. X, n. 1, item tit. VII, n. 3 et tit. IX, n. 3.

(4) S. R. C. 11 Maji 1743, n. 3994-4143, 5; 3 Ap. 1821, n. 4429-4579, et in nota ad l.

(5) S. R. C. 29 Mart. 1851, n. 5155, 1.

atque nativitatis s. Joannis Baptistæ. An idem dicendum sit de eorum octavis, dubitari potest: nam ab una parte cujus festum præfertur, ejus quoque præferenda est octava, quæ est accessorium festi, et accessorium sequitur naturam sui principalis (1). Ab altera autem parte S. R. Congregatio (2) declaravit commemorationem B. M. V. patronæ principalis sub titulo de Paradiso præferri commemorationi octavæ omnium sanctorum. Unde etiam concludendum est, octavam visitationis B. M. V., ubi est titularis, præferri octavæ ss. apostolorum Petri et Pauli, ita ut commemoratio visitationis præcedat commemorationem ss. Apostolorum, et si festum novem lectionum non occurrat, officium fiat de visitatione cum commemoratione ss. Apostolorum, quia, cum utrumque officium sit de præcepto et ejusdem ritus, præferendum est illud, quod majoris est dignitatis (3). Aliud esset, si visitatio B. M. V. sub ritu dup. 1 cl. et cum octava, ex consuetudine aut privilegio celebraretur (4).

R. 2. Quodcumque festum etiam duplex 2 cl. transfertur, si occurrat in dominicis 2 cl., scilicet in dominicis 2^a, 3^a et 4^a adventus et quadragesimæ, in dominicis septuagesimæ, sexagesimæ et quinquagesimæ, et in diebus infra octavam epiphaniæ (5) atque in die octava ss. Corporis Christi (6). Festum autem principalis patroni loci, tituli ecclesiae et ejus dedicationis celebratur in dominicis 2 cl., infra octavam epiphaniæ, et in die octava ss. Corporis Christi (7), et idem dicendum est de aliis festis 1 classis (8) exceptis tamen die

(1) Vid. dec. S. R. C. 21 Aug. 1688, n. 3014-3163, 2; Cavalieri tom. 1; dec. 16, n. 28.

(2) S. R. C. 11 Mart. 1820, n. 4416-4566, 5.

(3) Cavalieri tom. 1, decr. 16 et 22; A Carpo *Kalendarium*, cap. 2, n. 10 et 33.

(4) S. R. C. 2 Sept. 1679, n. 2751-2900. Vid. regula 5 num. seq.

(5) Rub. tit. IV, n. 1, tit. VII, n. 3 et hoc tit. X, n. 1.

(6) Rub. missalis in festo, et brev. ante festum ss. Corp. Ch. S. R. C. 30 Maji 1699, n. 3372-3521, 3.

(7) Rub. cit.

(8) Rub. tit. IX, n. 3.

octava epiphaniæ et dominica quarta adventus, si in hac occurrat vigilia nativitatis Domini, in quibus ut supra dictum est, de nullo festo fieri potest.

Quoad vigiliam epiphaniæ, certum est in ea celebrari posse et debere festum patroni, tituli et dedicationis juxta rubricas tit. VI, n. 2: quinimo dicendum videtur, in ea celebrari posse quodcumque duplex occurrens, quia hæc vigilia non consideratur ex privilegiatis (1); non tamen duplex translatum, neque semiduplex, quia hæc vigilia æquiparatur officio dominicæ. Sacra tamen R. C. censuit servandam esse consuetudinem ecclesiæ Vaticanæ, transferendi festum s. Telesphori (2).

R. 3. Quodcumque festum duplex majus et etiam duplex minus ss. Doctorum transfertur, si occurrat in die aliqua octava; item duplex 2 cl. transfertur, si occurrat in die octava Corporis Christi; et etiam duplex 1 cl. si occurrat in die octava nativitatis Domini, epiphaniæ, paschatis et pentecostes (3).

Excipitur dies octava nativitatis B. M. V., in qua si occurrat festum nominis B. M. V., fit de festo nominis absque commemoratione diei octavæ nativitatis (4). Idem faciendum est, ubi festum s. nominis B. M. V. tanquam titolare cum octava celebratur, si dies octava cum festo 7 dolorum occurrat (5); idemque declaravit S. R. C. (6) quoad diem octavam 7 dolorum, occurrentem in festo B. M. V. de mercede. Quo ultimo igitur decreto revocatur aliud (7), in quo declaratum fuerat, festum B. M. V. de mercede, occurrens in die octava festi septem dolorum, transferendum esse.

Si duplex 1 cl. occurrat in die octava Corporis Christi, ut dictum est supra, item duplex 1 aut 2 cl. in quacumque alia

(1) S. R. C. 16 Sept. 1673, n. 2506-2608.

(2) 2 Dec 1673, n. 2517-2669; Cavalieri tom. 2, c. XV, n. 18.

(3) Rub. hoc tit. X, n. 1 et 2; dec. 10 Jan. 1693, n. 3152-3301, 8, 30 Maji 1699, n. 3372-3521, 3; 22 Jan. 1707, n. 3611-3760.

(4) S. R. C. 24 Sep. 1685, n. 3250-3399.

(5) S. R. C. 12 Sept. 1840, n. 4753-4900, 2.

(6) 22 Jul. 1848, n. 4974-5135, 2.

(7) 7 Ap. 1832, n. 4533-4682.

die octava præter supra exceptas (1), fit de festo cum commemoratione diei octavæ, ut dictum est num. 257.

R. 4. Si plura festa quæ transferuntur, eodem die occurrant, officium fit de digniori, seu solemniori, et alia transferuntur, ut num. seq. dicetur, nisi non supersint dies vacui usque ad finem anni, de quo agetur num. 282.

Not. Ex dictis facile videri potest, quandonam festum non transferatur, scilicet si occurrat in diebus, qui in hac quæstione non enumerantur; et in quibus fit de festo cum commemoratione octavæ, dominicæ, feriæ et simplicis, ut dictum est num. 254-257.

DE QUO FACIENDUM OFFICIUM, ET QUODNAM EST TRANSFERENDUM, SI PLURA OFFICIA QUÆ TRANSFERUNTUR, EODEM DIE OCCURRANT?

268. Not. hic tantum agi de festis et officiis, quæ transferri possunt.

Resp. per sequentes regulas: 1^a Si ritus sit inæqualis, duplex minus et majus, primæ aut secundæ classis, officium semper fit de illo, quod est majoris ritus, et alia, quæ sunt minoris ritus, licet etiam sint festa Domini aut B. M. V., transferuntur; exceptis tamen festis, officiis privilegiatis, diebusque octavis, de quibus n. 267, resp. 1, 2 et 3^a actum est (2).

2^a *Regula.* Si ritus sit æqualis, faciendum est officium de digniori, et minus dignum est transferendum (3). Festa digniora (4) sunt: 1^o festa Domini, sub quibus festa s. crucis et similia comprehenduntur (5); 2^o festa B. M. V.; 3^o angelorum; 4^o Joannis Baptistæ; 5^o s. Joseph, sponsi B. M. V. (6);

(1) S. R. C. 29 Nov. 1856, n. 5230, 5.

(2) Rub. hoc tit. X, n. 6; S. R. C. 22 Aug. 1711, n. 3692-3841.

(3) Rub. hoc tit. X, n. 6.

(4) Rub. tit. XI, n. 2, et dec. 22 Aug. 1711.

(5) S. R. C. 20 Jul. 1686, n. 2966-3115.

(6) Rub. tit. XI, n. 2; vid. *Questions discutées à l'académie liturg. a monte citorio* 19 Dec. 1855, quest. 3, n. 13-16.

6^o ss. apostolorum et evangelistarum : in rubricis et decretis nulla quidem evangelistarum fit mentio, cum autem in translatione æquiparentur apostolis (1), illorum festa similiter in occurrentia eodem modo ac illa apostolorum, aliis ejusdem ritus præferri censendum est. Festa igitur Domini tanquam digniora præferuntur festis ejusdem ritus B. M. V., angelorum etc.; item festa B. M. V. festis angelorum et sanctorum, et sic deinceps. Post apostolos autem et evangelistas inter alios sanctos martyres, confessores aut virgines ordo dignitatis non servatur, saltem ut idcirco officia universalis aliis particularibus præferantur (2). Votum decreti cit. 22 Aug. 1711, post apostolos quidem addit *et alios juxta ordinem litaniarum* : verumtamen cum S. R. C. in posterioribus decretis (3) aliter disponat; sequitur ordinem litaniarum post apostolos et evangelistas in occurrentia officii universalis Ecclesiæ et particularis non esse servandum, sed regulam tertiam sequentem (4).

3^a Regula. In paritate ritus et dignitatis, de quibus in regulis præcedentibus actum est, faciendum est officium kalendarii particularis, et transferendum officium kalendarii universalis (5) vel ejus tantum commemoratio facienda, si non sit transferendum. Sic juxta decreta citanda *primum locum habebit officium ecclesiæ particularis* stricte sumptæ, scilicet quod uni tantum convenit ecclesiæ, cujusmodi sunt festa dedicationis, titularis, reliquiæ insignis etc. (6), *secundum ordinis seu religionis, tertium diocesis, quartum*

(1) S. R. R. 18 Sept. 1666, n. 2229-2380, et dec. gen. 17 Jul. 1706, n. 3599-3748.

(2) S. R. C. 20 Mart. 1869, n. 5430, 1.

(3) 5 Maji 1736, n. 3894-4043, ad tit. 10, dub. 3, quoad officium s. Barbæræ in occursu s. Petri Chrysologi, et 29 Jan. 1746, n. 4031-4180, quoad officium s. Macrinæ in occursu sanctorum martyrum.

(4) Cavalieri tom. 2. dec. 222 et 224.

(5) Dec. gen. 12 Jul. 1704, n. 3551-3700, 3; item 22 Aug. 1711, n. 3692-3841; 23 Junii 1736, n. 3900-4049, 1; 16 Feb. 1737, n. 3907-4056, 1; 20 Mart. 1869, n. 5430, 1.

(6) Cavalieri tom. 2. dec. 221, n. 3.

nationis, quintum Ecclesiæ universalis (1). Ita ut festa, quæ magis sunt propria et particularia, aliis, quæ magis universalis sunt, præferantur (2). Ratio est, quia festa, quo magis sunt propria et particularia, eo magis sunt celebria, majoremque habent relationem ad locum et personas, ubi et a quibus celebrantur.

Not autem, licet regula sit, quod officia particularia, magis universalibus præferantur, aliquam tamen distinctionem adhibendam esse : nam non omnia festa, quæ particularia dicuntur, idcirco propria sunt, et hoc gaudent privilegio, sed illa dumtaxat, quæ specialem relationem ad ecclesiam, ordinem aut locum habent. Sic sancti, qui ut proprii ac particulares in ecclesiis, ordinibus, diocesis, nationibus aliisque locis excoluntur, sunt juxta Cavalieri (3) « qui vel » ortu vel occubitu, insigni commemoratione, præcipuo » aliquo munere, advectione suarum reliquiarum, invectione » fidei, ejusdem promotione, et dilatatione, signis, virtutum » exemplis, doctrina, miraculis, aut gratia aliqua inibi fuerunt illustres, ac... habentur præ cæteris ut particulares » patroni, in necessitatibus a populis assolent invocari, » particularemque ad respectiva loca quamdam habent » attinentiam ac cultum, connaturalem solemnitatem et » celebritatem sibi inibi vindicant, vi cujus specialem populi » requirunt affectum » et aliis præferuntur. Et specialiter quoad ordines juxta Guyetum illi sancti proprii sunt, « qui » religionem aliquam professi sunt, dum viverent, in ea pie » et constanter ad obitum perseverantes, sacrum apud posteros cultum publico Ecclesiæ judicio meruerunt... vel » qui licet extranei sint, affinitate tamen aliqua, aut alio » quovis nexu ad ipsam religionem aut congregationem » utcumque pertinere noscuntur » (4). Diversa vero ratio

(1) S. R. C. 23 Junii 1736, n. 3895-4044, 1; 22 Ap. 1741, n. 3961-4110, 6; 29 Jan. 1746, n. 4031-4180.

(2) Cavalieri loco cit. n. 7 et 9.

(3) Tom. 2, dec. 121, n. 3.

(4) Lib. 1, c. 14, q. 4. Vid. etiam cap. 1, q. 3 et 4.